

國方志叢書·華中地方·第七五一號

據

清·俞致中等修、汪炳熊等纂
清同治十年刊本

影印

江 西 省

弋陽縣志

(四)

成文出版社有限公司印行

中華民國七十八年三月臺一版

弋陽縣志

共四冊

發行人：黃成助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市南京東路三段270號9F

電話：七四一五四三二九

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

七陽縣志卷十二

文徵

宋

擬親征詔

紹興辛巳

陳康伯

朕履運中微遭家多難八陵廢祀可勝抔土之悲二帝蒙塵莫贖終天之痛皇族尙淪於沙漠神京猶裂於版圖銜憤何窮待時而動未免屈身而事小夷幾繼好以弭兵屬敵人之無厭曾信盟之弗顧怙其篡奪之惡濟以殘忍之克流毒徧於窮竒視民幾於草芥赤地千里謂暴虐爲無傷蒼天九重視高明爲可侮輒因賀使公肆嫚言指求將相之臣坐索漢淮之壤以竟之犬謂秦無人朕方務於含容彼尙飾其奸詐嘯厥匪類肆吾善良妖氛寢結於中原

於今三紀撫心自悼流涕無從方將躬縞素以啟
行率貔貅而薄伐取細柳勞軍之制考澶淵卻敵之規詔
旨一頒歡聲四起歲星臨於吳分冀成淝水之勲鬪士倍
於晉師當決韓原之勝尙賴股肱爪牙之士文武大小之
臣戮力同心捐軀報國共雪侵陵之恥各肩恢復之圖朕
以某月某日親臨軍前撫勞士卒播告中外咸使聞知趙
按達賢錄云金亮渝盟天子北伐一時詔檄多出陳
魯公筆忠義激烈讀者痛憤聞者流涕鶴林玉露載
辛巳親征詔惟天惟祖宗既共扶於昌運有民有社
稷敢自逸於偏安及歲星臨於吳分一聯並內禪赦
文凡今者發政施仁之日皆得之間安視膳之餘云

此洪容齋筆也容齋三筆自錄其四六亦及之而陳氏家集公之孫景思輩刻其原草有陳以初敘慶元時何澹謝深甫嘉泰時陳謙葉適嘉定時辛棄疾諸人跋殆容齋呈稿公親點竄與乃邑乘家集暨近人宋四六各選本此詔皆無天祖四語何也附識於此讀親征詔草跋

辛棄疾

使此詔出於紹興之初可以無事讐之大恥使此詔行於隆興之後可以卒不世之大功今此詔與此敵猶俱存也悲夫嘉泰四年三月門生棄疾拜手謹書

擬親師詔

紹興三十一年九月

陳康伯

朕惕厲祖訓祇遵皇圖永惟國步之艱越在海隅之阻問者亟馳於驛使庶幾少戢於兵鋒而邊候屢驚敵情未革

既搖蕩於秦隴復窺伺於荆襄含億萬姓之黎民久遭殘
虐致二百年之陵寢莫獲薦陳爰奮勵於諸軍以肅清於
舊壤靡待前矛之警備將臨細柳以勞師副上皇與子之
心據列聖在天之憤肆詆龜筮躬御戎車眷言清蹕之初
申飭攸司之衆各惕乃職明聽朕言毋滯役以煩民勿誅
求以剝下伋成嘉績迄底康平咨爾內外咸體至懷故茲
詔示想宜知悉

陶志

授陳康伯左光祿大夫誥

門下乾下坤上而重卦豎二氣之交君明臣良而賡歌協
千載之遇朕實圖乂夢想得賢永惟一德之求共濟萬幾
之會眷茲碩輔永迪茂勲宜擢冠於鼎司肆誕揚於渙號
左正議大夫守右

一作

僕射同中書門下平章事兼提舉

修三朝國史詳定一司勅令加上饒郡開國公食邑二千
九百戶食實封一千一百戶陳康伯高明而純粹敦大而
裕和學承百聖之宗體備四時之氣澄不清撓不濁若觀
水於萬頃之波鄙夫寬薄夫敦想聞風於百世之下粵從
試用休有薦揚列侍從則論思獻納之居多參政機則贊
襄彌綸之罔缺比儔偉望進秩近司和而不同深濟鹽梅
之用忠而能力尤賴股肱之爲心休休有容事井井攸敘
真當今廟廊之器實近古社稷之臣樽俎春容笑談可以
鎮物弁冠端委精神自能折衝是用詢於僉言咨謀裁自
朕志接剛辰而幽贊奉顯冊以明揚其陞元宰之崇以表
具瞻之峻併加寵數庸示眷懷於戲付託至重而爲之難
朕方資於弼亮體貌既尊則責亦厚爾無怠於交修恢宏

輔世之圖懋建格天之業式是南林昆予一人可特授左
光祿大夫守尚書左僕射同中書門下平章事依前兼提
舉修三朝國史詳定一司勅令加食實封四百戶如故紹
興三十一年三月十七日

文正公
本集增

授陳康伯左金紫光祿大夫誥

門下

原闕四字

太上皇履萬乘之尊簡同德以輔朕予一人

宅兆民之上倚舊弼以代天載酬翊贊之勲爰峻褒崇之
典增文階之顯秩衍賦邑之多租以昭體貌之隆以厚股
肱之遇惟時所望非朕敢私於戲垂拱而阜天民嘗謹循
於堯道功名之冠羣后正有賴於蕭規益懋爾猷永弼予
治可特授左金紫光祿大夫依前守尚書左僕射同中書
門下平章事兼提舉編修玉牒所監修國史加食邑一千

戶食實封四百戶如故紹興三十二年六月二十一日

全前

擢陳康伯任制誥

朕祇紹炎圖恢崇孝治稽經誨律闡一代之彌文縷玉繩
金奉兩宮之碩號眷時元輔實總上儀差穀旦以敷綸卽
昕朝而亶衆左金紫光祿大夫守尙書左僕射同中書門
下平章事兼提舉編修玉牒所監修國史兼提舉一司勅
令上饒郡開國公食邑五千九百戶食實封二千三百戶
陳康伯學純而能鉅材茂而履方風采聳聞魁然著宰相
之望忠忱自許卓爾非世俗所知逮勵翼於台符久穆宣
於天綽巖瞻增峻國是長依魏相非故事不行治寢昌於
更化伊尹爲斯民先覺名更顯於中興屬予臨御之初尤
篤顧親之志明帝堯之至德孰擬形容廣太姒之徽音莫

殫稱謂比鋪張於偉範用仰正於鴻名宗社尊依臣民歡
樂繁豐功之懋著宜信賞之先頒冠文階極品之華衍賦
邑多腴之實益昭注意併沛殊恩於戲揚鴻烈而章緝熙
既展慈闈之慶尹天下而制典禮誕膺渙命之休茂對榮
懷永綏令譽可依前特進尚書左僕射同中書門下平章
事兼提舉編修玉牒所監修國史兼提舉詳定一司勅令
加食邑一千戶食實封四百戶如故紹興三十二年八月
二十四日前

擢陳康伯兼樞密使進信國公誥

門下熙帝載而使宅百揆時有賴於一賢佐天子而鎮撫
四方事難分於二柄爰稽古訓載考勲臣瞻維文武之兼
資並用安危之注意錫以渙命颺於廣朝特進尚書左僕

射同中書門下平章事兼提舉編修玉牒所監修國史兼
提舉編類聖政所上饒郡開國公食邑六千九百戶食實
封二千七百戶陳康伯渾厚而直溫剛方而和裕學足以
探天人之蹟識足以周事物之幾正論不回凜松栢後凋
之操至仁自守抱蘋蘩明信之衷早際過於上皇遂登庸
於碩輔望隆華夏名著鼎彝敵馬飲江首決親征之策時
龍御漢獨高顯相之功朕惟兵律之尙煩念邊防之未靖
欲圖妙算協濟多虞考藝祖仁宗之宏規遵建炎紹興之
聖政肆令東府仍筦西樞興言屬任之專宜有疏榮之寵
用申微數特表殊庸方邑增腴并寶新畬之九公主胙國
進荒故里之封亶峻民瞻允符僉論於戲宣王復文武之
境倚元老之壯猷齊人歸鄆謹之田資真儒之無敵顧有

爲者亦若是矧時則勿以間之其追繼於前修以益光於
永世可特授兼樞密使依前特進尙書左僕射同中書門
下平章事兼提舉編修玉牒所監修國史兼編類聖政所
進封信國公加食邑一千戶食實封四百戶紹興三十二
年十二月五日嗣

賜陳氏世家譜牒誥

朕惟陰陽之運根柢於太極之一元嗣續之昌橐籥於祖
宗之一本然祖德曠於世遠而難知猶太極妙於無形而
難見是故賢人君子孝子順孫欲銘祖功宗德於無窮必
有譜焉以紀之不則非惟不能知本源之所自蓋必有冒
認別宗爲族而拜他人之墓者矣教化之衰風俗之敗舉
由於此然則譜之關於世教也不亦大乎惟吏部尙書觀

文殿大學士左僕射陳康伯宗傳賢裔派衍蘭枝文獻歷
三輔聲名重山斗之瞻依志節本一忠學術窺聖賢之關
鑰顧茲華胄尤稱世家用錫譜牒昭示來世

陳志

按陳氏進家譜後勅令附史院黃中等修編不具錄

起用陳康伯御札

紹興

朕惟國有賢輔治化攸資人惟求舊哲王所尚卿老成舊
臣贊理政務有年忠勤資望茂著簡在朕心茲特起用董
正百官撫綏萬民以左右我國家卿宜卽刻就道赴任以
副朕眷倚至意毋得稽遲勅差兵部司勳郎歐陽濟卿賁
札勅令四方出榜通衢逐秦檜黨人仍禁輒至行在卿舊
臣直司綸綍贊化勞心宜恩蔭子孫酬勞改蔭恩澤六品

准御前金字牒降到吏部官照會

陳志

宋高宗與陳康伯御札

計主十四通今錄十四
按當時札並帝手書

紹興二十九年九月六日命下文書房官李寶齋捧御札
到省召諭特進尚書僕射同中書門下平章事兼樞密
院使陳康伯

朕以庸德仰承上天大命咎多在躬自日至夜勉副惟欲
至治須賴大臣輔佐朕于幾暇偶寫麟鳳二字忠孝勤
儉四字以賜卿可用心供職匡朕不及有疾宜調治愈
日赴行在視事當體至意無有遐心

朕仰稽祖宗故事開講日可召輔臣觀講

早來所諭欲遣使往江淮閩外之事既以付之張浚恐徒
成沮撓別有異端蜀道一節更須商議

尹穡陸游力學有聞樞臣同薦比令召見果能剴切詳明

宜有旌嘉用勸來者可並賜進士出身
湯思退令召赴行在疾速前來

令郭振時暫往張俊處議事

比屢降詔明信賞罰以勸將士今來都督府雖委任宿將
必能體國無復冒濫書填官告之類更宜覈實勿市私
恩兼聞虜兵漸退諸將未卽會合尙復何待可具奏來
仰以此旨分明劄下稿存中

李寶可移明州駐劄與趙子涌同措置海賊馮湛須迴避
卻別與差遣此事如可行卿便作施行

辛次膺可除資政殿學士在外宮祠任便居住

召虞允文來奏事限以十日至行在

王之望本以押賜稿賞請行今已久未見申到稿賞次第

兼聞虜兵漸退諸將未即會合尙復何待可以此旨分
明剴下王之望疾速具奏並作金字牌發

馬騏與除起居舍人日下供職

百司併省事並類聚將上取旨

又御札

計十一通
今錄六通

事急卿來處分臨紙涕泣

卿具奏皆敷切剴正是勅戒之義有疾遣御醫院診視調

護可勉起視事以副衆望

朕視所奏力勸費事允當多被奸人賣弄所致依卿處分

收回如舊齋宮之建朕仰答大靈俯安羣望定名德壽

取德同地厚壽與天齊之義

兵退卿力所致神人慶洽中外歡騰自幸生命

疑下有勅
闕文

令加食邑七千九百戶行舟次騎步序圖可命工繪寫成帙進來

虞允文奏來此詔一出功並補天

王十朋乞特罪章疏今日報行頒使中外知之

命陳康伯進吳璘督師御札

紹興三十一年按此係命吳璘札舊府志據

文集載之想公進草也

中州故地一陷異域踰三十年而猶敵無厭復出爲惡朕

令虎臣三道進討以卿韜畧鎮撫西邊繕甲治兵知方

有勇將士心憤欲有所出久矣功名之志深切未忘茲

令卿等復爲東招討使制書到日卿可卽提士卒直出

漢中弔秦晉民撫漢廣士都會所在去處卿若到來戒

爾軍士毋殘禾稼毋掠士女毋焚宮室使之簞食壺漿